

Aðalfundur Atvinnuþróunarfélags Pingeyinga hf. 2007

Aðalfundur Atvinnuþróunarfélags Pingeyinga hf. haldinn í Gljúfrastofu, 14. júní, kl. 13:30.

Mættir voru fulltrúar frá 9 hluthöfum af 19, með 91,6% á bak við sig; Norðurþing, Byggðastofnun, Verkalýðsfélag Húsavíkur og nágrennis, Fræ ehf, Pingeyjarsveit, Aðaldælahreppur, Verslunarmannafélag Húsavíkur, Sparisjóður S.- Pingeyinga og Garðræktarfélag Reykhverfinga.

1. Formaður félagsins, Bergur Elías Ágústsson, setti fund, bauð fundarmenn velkomna og lýsti fundinn lögmætan.

2. Starfsmenn fundarins

Fyrir fundinum lá tillaga um fundarstjóra, Berg Elías Ágústsson, og fundarritara, Ara Pál Pálsson. Aðrar tillögur komu ekki fram og voru þeir því sjálfkjörin til þeirra starfa.

3. Skýrsla stjórnar

Bergur Elías Ágústsson stjórnarformaður fór yfir samantekt úr skýrslu stjórnar sem lögð var fram á fundinum. Í máli hans kom m.a. fram að hluthafar í AÐ eru 19. Stjórn félagsins hélt 6 stjórnarfundum frá síðasta aðalfundi, en 8 á almanaksárinu 2006.

Starfsemi AÐ hefur verið að breytast og eflast undanfarið og á árinu fjölgaði stöðugildum vegna grunnstarfsemi félagsins úr 2,5 í 3. Þessu til viðbótar var starfsfólk við ýmis sérverkefni.

Starfssvæði AÐ er stórt og stækkaði enn frekar á árinu með sameiningu Þórshafnarhrepps og Skeggjastadahrepps í Langanesbyggð. Grunntekjur félagsins voru sem áður samkvæmt samningum við Byggðastofnun annars vegar og sveitarfélögin á starfssvæðinu hins vegar. Þetta dugar þó ekki til að standa undir öflugri starfsemi og svara þörfum og aðstæðum á starfssvæðinu. Því þurfti að afla verulegra sértekna.

Aukin áhersla hefur beinst að verkefnum sem gefa félaginu möguleika til sértekna til viðbótar við grunnstarfsemi þess. Markmiðið er að efla félagið og gera það enn hæfara til að þjónusta starfssvæðið en ekki að draga úr hefðbundinni grunnþjónustu. Fjárhagsrammi AÐ hefur þó verið mjög þröngur og áfram þarf að vinna að því að skapa starfseminni betri rekstrarskilyrði.

Byggðastofnun hefur sagt upp samstarfssamningum sínum við atvinnuþróunarfélögin um atvinnu- og byggðaðróun og óskað eftir viðræðum um nýja samninga. Undirbúningur að endurskoðun á samstarfinu er hafinn og hafa aðilarnir m.a. heimsótt Dani sem nýverið stokkuðu upp sitt atvinnu- og byggðaðróunarkerfi. Mikilvægt er að Atvinnuþróunarfélag Pingeyinga búi sig vel undir þessar viðræður.

Fram kom hjá nýjum byggðamálaráðherra á ársfundi Byggðastofnunar að stefnt sé að stefnumótunartíðni síðar á þessu ári, og verður þá allt stoðkerfi atvinnu- og byggðaðróunar væntanlega skoðað heildstætt enda talin brýn þörf á.

Fulltrúar AÐ hafa átt viðræður við fulltrúa Iðnaðar- og viðskiptaráðuneytisins um vaxtarsamning sem næði yfir starfssvæði AÐ með svipuðu sniði og annars staðar þekkist. Því miður hafa undirtektir í ráðuneytinu enn sem komið er verið dræmar og því bíður þetta brýna verkefni þess enn að ná fram að ganga.

Haldið er utan um verkefni í sérstöku verkefnabókhalði sem um leið gefur nokkra mynd af umfangi og áherslum starfseminnar á hverjum tíma. Ákveðinn hluti starfsins er þó þess eðlis að illmögulegt er að skrá það sérstaklega.

Hluti af starfseminni felst í að fylgjast með, safna gögnum, vinna úr þeim og miðla upplýsingum. Á þessu starfsári var talsvert unnið í umgjörð slíkra verkefna m.a. með sérstökum gagnagrunni með upplýsingum um atvinnulífið.

Með aukinni áherslu AP á svæðisbundin verkefni, nýtingu auðlinda í þágu héraðsins, þátttöku í alþjóðasamstarfi, stefnumótun, útgáfu kynningarefni og aðkomu að markaðssetningu svæðisins, hefur mynd verkefna eðlilega breyst. Meira er um það nú en áður að félagið hafi frumkvæði að álitlegum verkefnum t.d. með því að stuðla að samstarfi, greiningu og nýtingu nýrra tækifæra, og markvissari kynningu.

Vel yfir 100 verkefni voru á einhverju vinnslustigi á árinu 2006. Verkefnum hefur farið fjölgandi en þar sem eðli þeirra og umfang er mjög breytilegt er ekki allskostar rétt að bera eingöngu saman fjölda verkefna milli ára, auk þess sem aukin áhersla var nú á skráningu tíma á einstök verkefni. Vísast til ársskýrslu um hlutfall einstakra verkþátta.

Greint var frá helstu alþjóðlegu verkefnum, s.s. Snjótöfraverkefninu (Snow Magic), Strandmenningarverkefninu (NORCE) og Spatial Planning.

Að undanfögnu hefur verið unnið að nokkrum kynningarverkefnum í samræmi við stefnu stjórnar félagsins frá 2004. Áherslan hefur verið á faglegt og gott kynningar- og upplýsingaefni sem þá undanfara öflugra markaðsstarfs og betra aðgengi að upplýsingum.

Útgáfu 7 korta seríu sem nefnd var “Útivist og afþreying lauk á árinu. Innan ramma Strandmenningarverkefnis var gefinn út bæklingur um fugla á strandsvæðum Þingeyjarsýslu sem fékk mun betri viðtökur en gert var ráð fyrir. Þá voru útbúin upplýsingaskilti til að setja á fjóra af þeim fuglaskoðunarstöðum sem nefndir eru í bæklingnum og fleiri skilti ráðgerð.

Á árinu var gefinn út upplýsingabæklingurinn Þingeyjarsýsla – Norðausturland, sem nær yfir svæðið frá Þingeyjarsveit að Langnesbyggð. Undirbúningur tók lengri tíma en áætlað var en útkoman var ágætur bæklingur sem fengið hefur mjög góðar viðtökur og notið víðari dreifingu en áætlað var.

Í september kom AP að þátttöku Þingeyinga í 10 daga sölusýningu í Caen í Frakklandi með það markmið að kynna svæðið í heild betur en áður. Áhersla var lögð á fjölbreytileika svæðisins og fléttað var ýmsum þeim, en meginuppistaðan í sýningarbás Þingeyinga var viðfangsefni Snjótöfraverkefnisins sem vakti mikla athygli bæði sýningargesta og fjölmiðla.

Gerð var grein fyrir hvatningarverðlaunum AP, en á starfsárinu 2006 voru þau veitt Meðferðarheimlinu Árbót, en á málþingi um Vatnajökulsþjóðgarð sem fram fór fyrir aðalfundinn voru Hvatningarverðlaun 2007 veitt Garðræktarfélagi Reykhverfinga.

Bergur Elías Ágústsson þakkaði meðstjórnarmönnum og starfsmönnum félagsins samstarfið á árinu, og lét í ljós þá von að félagið yrði áfram leiðandi afl í atvinnumálum á norðausturlandi.

4. Reikningar félagsins fyrir árið 2006

Tryggvi Finnsson framkvæmdastjóri fór yfir reikninga félagsins sem áritaðir hafa verið af löggiltum endurskoðanda félagsins, PricewaterhouseCoopers hf. - Birni St. Haraldssyni. Helstu niðurstöður reikninganna eru:

Rekstrartekjur	45.849.289
Rekstrargjöld	(46.061.074)
Fjármagnsliðir.....	(847.681)
Tap ársins.....	(1.059.466)
Fastafjármunir	326.787
Veltufjármunir	9.119.203
Eigið fé	(1.917.374)
Skuldir	11.363.364
Niðurstaða efnahagsreiknings.....	9.445.990

Umräður um skýrslu og reikninga:

Guðmundur Guðmundsson spurði um viðskiptaskuldir við prentsmiðjuna Ör. Tryggvi Finnsson framkvæmdastjóri skýrði þessa skuld. Um að ræða áramótastöðu sem nú er að mestu greidd, en skuldirnar draga hins vegar fram erfiða rekstrarstöðu félagsins.

Reikningar bornir upp og samþykktir samhljóða.

5. Ráðstöfun hagnaðar/taps.

Vísað er til afgreiðslu ársreiknings þar sem tapi ársins er fært á ójafnað tap frá fyrri árum og komi til lækkunar á eigin fé félagsins. Þetta var samþykkt samhljóða.

6. Kosning stjórnar.

Fundarstjóri kynnti fyrirleggjandi tillögur.

Aðalstjórn:

Aðalsteinn Baldursson
Björn Ingimarsson
Friðrik Sigurðsson
Guðmundur Guðmundsson
Pétur Snæbjörnsson

Varastjórn:

Haraldur Bóasson
Aðalsteinn J. Halldórsson

Fleiri tillögur komu ekki fram og voru tillögurnar samþykktar samhljóða.

7. Kosning endurskoðanda

Fyrir fundinum lá tillaga um að löggiltur endurskoðandi félagsins verði kjörinn PricewaterhouseCoopers hf. – Björn St. Haraldsson, löggiltur endurskoðandi.

Tillagan var samþykkt samhljóða.

8. Þóknun til stjórnarmanna og endurskoðanda

Stjórnarformaðu fólk sem sinni slíkum störfum fá umbun og þurfi ekki að líða fyrir það eða að það komi niður á þeirra vinnu.

Fyrir fundinum lá tillaga um að þóknun til stjórnarmanna verði kr. 30.000 fyrir starfsárið, og til stjórnarformanns kr. 60.000. Þóknun til endurskoðanda verður samkvæmt reikningi.

Engar aðrar tillögur komu fram og þessi tillaga samþykkt samhljóða.

9. Önnur mál.

- a) Guðmundur Guðmundsson vildi minna á tillögu um að allra hluta yrði getið í ársreikningum. Tryggvi benti á að þetta kæmi fram í skýrslunni en ekki ársreikningunum.

Engin fleiri mál komu fram undir þessum lið.

Bergur Elías Ágústsson, fráfarandi stjórnarformaður, þakkaði enn á ný fyrir samstarfið og kom inn á stefnumótun sem framundan er í samstarfi atvinnuþróunarfélaganna og Byggðastofnunar. Hann vonaðist til þess að haft yrði að leiðarljósi að efla starfsemi félaga sem þessa, og að það gerðist fyrst og fremst með auknu fjármagni. Mikilvægt væri að þau félög sem þekkja til fengju fjármagnið en ekki eitthvað opinbert batterí. Hann kvað það óskandi að félagið gæti haft að jafnaði 2-3 starfsmenn sem algerlega væru styrktir af hinu opinbera.

Fundi var slitið kl. 14:00